

Tewiaq Aknutmaq

Mi'kmaq Nopa Sko'sia aq Parks Kanata mesqn-wikasikl wtuisunmual wjit ne'siskl Pa'rks Kanatae'l maqmikal Nopa Sko'sia

We'kwapekitk, Nopa Sko'sia (13 te'sukunit Nipniku's, 2012) -- Mi'kmaq Nopa Sko'sia nike'j kisi-piskweta'taqq Kejimkuji'jk National Historic Site/National Historic Site, Unama'kik Highlands National Park aq Waqlusank L'uipulk National Historic Site teli-pkije'k wel'te'tmi'tij kejikawike'l Parks Kanataaq aq Asempliaq Mi'kmaw-Saqmaq Nopa Sko'sia.

Ula kisutasik klu'lkitew elmi'knik wjit Mi'kmaq aq ktikik ta'n pikwelk wijey ksatmi'tiss wla'sin staqe nike'j ta'n teli-L'nui'kw aq ta'n tli-tetpaqi-maliaptiten maqmikek wejiaq. "Amiw na staqe nikan-awti'kek wjit ta'n tli-kina'matultitesnu ke'sk maw-lukuti'kw ketantu'kl kelu'lk wjit te'si'kw," teluet Chip Bird, tepawa'j Alsusit wjit Parks Kanata, Unama'kik. Ula knekk liatew wjit teliknewa'toq tela'matulti'tij Pa'rks Kanataaq aq Mi'kmaq Nopa Sko'sia.

Ula na tel-mu awtinukw wjit tel-piskweta'mk na pasik newkte'jk wejiaq ula pema'matimk. "Sa'q na Mi'kmaq melki-tko'tmi'tij maqmikew Nopa Sko'sia" teluet Saqmaw Gerard Julien, newte'jit ta'n apoqmatk Asem'pli. "Mesnmu'kw mu ksika'tuksinenew wjit tel-piskweta'ykul parksl aq ktikl kepme'kl maqmikal kelu'lk wjit kikmanaq ke'sk elaskmi'kw kapmteminal wli-tqo-lukwenew.

Mi'kmaq pasik nuta'taqq kinua'teketunew Status Cardmua Band A'fismuaq kulaman msna'tital ila'skul ta'n wutepaqnuaq naspilital. Ula ila'skw kekinua'teket ketloqo L'nuin wen ke'sk piskwa'j national park. Ala Waqlusank L'uipu'lk National Historic Site, miamuj etl-kinua'teketu'n Indian Status Card ta'n Emittukutite'wk miamuj el'ta'tij tmk ula waqlusasik kjikan.

Ula kinua'taqney ila'skw kisi-msna'tital 13 L'nu-utann Nopa Sko'sia aq ta'n wetapeksultijik, aq ktikik ta'n nas-wikasultijik wi'katikniktuk wjit Nopa Sko'sia. Me'j wja'sitew atelk aq katu piskwa'timk wjit mu koqoey. Wjiatal apoqnmuekl kmiti'l ta'n menaqaj maliaptmi'tital eykl ula ta'n ne'siskl kepme'kl maqmikal Nopa Sko'sia.

Ula tla'matuti wet-saputa'sikip Made in Nopa Sko'sia Process ta'n mawo'toql Kapmnt wjit Kanata, Prapns Nopa Sko'sia aq Mi'kmaq Nopa Sko'siaewaqaq.

Parks Canada na nujo'tkl 43 national parksl, 167 National Historic Sites aq ne'siskl kelo'tasikewel wjit samuqwane'j tel-milamuksit, ke'sk wikuma'tij Kanataewaqaq aq mimajuinu'k wskitqamu'k jukwita'new aq naji-tko'tmnew me'j kijka' aq nmitunew ta'n koqoey kekunmu'k ula Kanata national aq historic parksminal.

Kwilmu'kw Maw-klusuaqn Nikanatuek A'fis (KMKNO) tel-lukwek lukowan Asem'plia wjit Nopa Sko'sia Saqmaq wsku'tmnew me'j koqoey ta'n wejiaq Mi'kmaq wjit Nopa Sko'sia, Pravns aq Kanata. KMKNO kisitu'tip Mi'kmaq wjit Mi'kmaq.

Me'j ktu'-naji-kjijitu'n KMKNO pasik lietesk www.mikmaqrighs.com, aq Parks Canada lietesk www.parkscanada.gc.ca.

- 30 -



Kwilmu'kw Maw-klusuaqn Negotiation Office
Mi'kmaq Rights Initiative

Contacts:

Maria O'Hearn

Parks Canada

Cape Breton

902 733-3547

maria.o'hearn@pc.gc.ca

Crystal Dorey

Kwilmu'kw Maw-klusuaqn Negotiation Office

Mi'kmaq Rights Initiative

902 843-3880

crystaldorey@mikmaqrights.com